

上清太極隱注玉經寶訣

選

夫太上玄微三洞初元至曠之辭曲而難聞
 落落冥冠包巾羣品迢迢至德巍巍高專至
 其所栖杲妙之門神仙之宗集而成文諷誦
 昇虛策龍乘雲惟信惟盡制情使專也於是
 乎有志之士乃遐尋斯經專奉法師稽首德
 堂寔問定諮請受寶經莫犯莫疑真信正道
 神仙可期吐故納新挹服英芝虛無相招飛
 仙有時法輪定覺洞觀九域選矣奇訣中仙
 焉知爾乃學真之子若能孤思對景趣合情
 丹鍊試色想經饑涉寒苦而不倦日中則餐
 謗求不戚譽集弗歡獨德於內外夷眾顏沐
 浴青芷胎氣無殘登齋入室燭煙真檀於是
 披帷冠巾整肅法服設禮十方歸命太真三
 拜經前矣乃開八色之蘊陳無上之寶藏而
 執讀大洞洞玄道德尊經八素隱篇金真玉
 光清魔散靈招仙步虛飛行羽經清音霄暢
 萬真降庭太上命駕同乘雲輶翫藹鬱勃遐
 合杳冥三素齊景項負圓明身服羅帔玉佩
 火鈴肅肅高真飄飄遠征玉華扶翼俱登上

清不問貴賤決在至誠三界獻禮魔王奉迎
 長年無極焉知劫齡於茲道遠永我利貞

太上玉經隱注曰授道德經法師北向經於
 案上弟子伏左師執經弟子擊法信師叩齒
 三十六下心存三宮泥丸丹田絳宮三一出
 千乘萬騎營衛經師因而祝曰

飄飄大虛嶺流景在上玄經始無終劫長保
 天地人世主學致堯道士誦得仙賢者今奉
 受依法以相傳時無至德子保秘不妄宣宗
 之昇太清棄之墜九泉我說無為道清靜德
 自然畢弟子三拜受經若女弟子伏右凡經

皆同爾
 太上玉經隱注曰授大洞真經法師北向經
 於案上師執經弟子擊法信師叩齒三十六
 下心存太上玉皇今日月之光映照經師徒
 之身而祝曰

太微何眇邀真人結虛生空津自然道集為
 大洞經真賢奉法信乘運歷黃庭太上削死
 籍司命書仙名保秘年劫積泄慢地獄嬰災
 考及七祖風刀解汝形畢弟子三拜受經

太上玉經隱注曰授太上靈寶洞玄經法師
 北向經於案上師執經弟子擊法信師叩齒
 三十六下心存五藏之色令備具合成寶蓋
 之雲羅覆經師徒而祝曰

何所欲文耀太無間煥然而玄郁傳授恣依
 法泄慢墜地獄畢弟子三拜受經竟又方一
 拜十方從北始東迴而周也想見太上十方
 真形如今像矣

太上玉經隱注曰授太上三皇天文師北向
 經於案上師執經弟子擊法信師叩齒二十
 四下心存三宮各一真人如嬰兒之狀不著
 衣口吐紫氣以薰經師徒而祝曰

太上之天文傳說天地初皇人宣玄旨是為
 至真書賢者今奉受志願昇太虛畢弟子再
 拜受經

太上玉經隱注曰傳授上清品經符管北向
 中品之書有為之外文師東向仙聖苗裔錄
 傳經者南向男弟子伏左女弟子伏右法信
 祝誓如法師之法

祝誓如法師之法

太上玉經隱注曰當開道德經蘊之時先燒香整法服禮拜如初法而祝曰

玄玄至道宗上德體洪元天真雖遠妙近緣泥丸君官室皆七寶窻牖自然分清靜常致真駕景乘紫雲日月左右照昇仙長年全七

祖上生天世為道德門於是可讀經矣

太上玉經隱注曰當開洞真經蘊之時先燒香整法服禮拜如法而祝曰

微微玄宗門煥朗徹空洞至道由靜默當見

三素宮大道於此成驂景乘雲龍左右侍經

仙玉女及玉童身濟不死津解羅順靈風七

租反胎生世為神仙宗

太上玉經隱注曰當開洞玄經蘊之時先燒香整法服禮拜如法而祝曰

寂寂至無宗虛峙劫仞阿豁落洞玄文誰測

此幽遐一入大乘路孰計年劫多不生亦不

死欲生因蓮花超凌三界塗慈心解世羅真人無上德世世為仙家

太上玉經隱注曰當開三皇天文蘊之時先

燒香整法服禮拜如上法而祝曰

太上定神符勅命天地慈聞名不俟駕萬仙

儻忽萃招靈無小大豈况於滓穢清齋絕人

事眇然與神對上昇玉清宮遊宴九遐外

太上玉經隱注曰當讀道德經時叩齒三十

六下咽液三十六過先心存左青龍右白虎

前朱雀後玄武足下八卦神龜三十六獅子

伏在前頭巾七星五藏生五氣羅文覆身上

三一侍經各從千乘萬騎天地各有萬八千

玉女玉童衛之矣

太上玉經隱注曰當讀洞真經叩齒三十六

通曰液三十六過先存迴風混合帝一百神

萬真然後誦洞經

太上玉經隱注曰讀洞玄經叩齒三十六下

咽液三十六過存五藏五色之氣上注五星

之精而讀經

太上玉經隱注曰誦太上洞玄步虛經時先

叩齒三下咽液三過心存日月在已面上從

鼻孔入洞房金華宮光明出項後煥然作元

齒如初法

太上玉經隱注曰當讀昇仙之經先叩齒十

二下咽液十二過誦一篇三通叩齒也經卷

亦各有法不載法者可依此訣也

太上玉經隱注曰夫道經不師受則神不行

矣若世無法師又無錄傳者當以法信投靖

治或可密室啓玄師老君北向三拜然後以

物布施於饑乏之人平等一心而用經也世

有師不須按此法也

太上玉經隱注曰轉經坐小牀上高五尺廣

長悉等但巾帳不須著褐也

太上真人讀經法服披離羅九光錦帔丹羅

寶襪之中足下獅子文履今道士讀經勤苦

於法事其帳服後得道之日天帝授子離

羅九光之帳天寶纓絡飛仙法服以酬往德

也此勿慕世之冠冕捨於道士陋服也世服

雖目下榮耀不免於死道士羸衣法服而昇

仙被服天衣矣天衣著身令人能飛仙乘虛

也

太上玉經隱注曰讀經之法法中夏之音此

是九天之正音也第六四大梵讚經誦
制聲亦是正音讀經之音當法此正音

仙公曰老子西化胡教外國讀經時多是大
梵天音也適道士所好者耳

太上玉經隱注曰讀經五百言則叩齒三通

以舌舐上下脣咽液三過令人不極久而聲
清不知此法損氣勞神也真人曰濃煮竹葉
作飲以讀經而存思益精通神和氣流行

太上玉經隱注曰太上大隱符九首日正中
以水頓服之千日則出入無間隱見在意為

仙人矣佩靈寶五符於身則乘龍駕氣經歷

水火五帝扶翼遠遊高翔亦為仙也佩五嶽
真形佩三洞大符不得近房室交接陰穢必
死不疑永無仙期可不慎哉

太上玉經隱注曰道士入室齋讀太上步虛
之王章及飛行羽書則能馳騁九龍雲駕來
迎此兩事宜秘之矣

太上玉經隱注曰常能讀五千文萬遍太上
雲龍下迎萬遍畢未去者一月三讀之耳須
雲駕至便昇仙也

太上玉經隱注曰常讀黃庭內景經乃不死
也常服元氣亦不死之道矣

太上玉經隱注曰常存頭正青如碧玉兩手
如丹兩脚如雪以此精思讀經行諸妙事去
仙近矣常叩齒十二下晝夜十二時時一叩

亦不死身神恒具衛

太上玉經隱注曰叩齒一名天鼓召身神招

天真會羣仙也左齒相叩名鳴天鍾右齒相

叩名擊天磬道士意恐畏辟鬼賊鳴鍾磬各

二十四通則妖精不敢前天魔護身百福并

至

太上玉經隱注曰老子道德經稱視之不見
夷聽之不聞希搏之不得微即三元老君之
位號矣又言此三者不可致詰故混為一是
三素合為元一君是胎尊之玄父元母讀此

經三老君見子子見之仙道成矣道盡於此
書不盡言言不盡意理之贖者莫尚乎斯文

通曰見之無能知之也

太上玉經隱注曰崑崙蓬萊鍾山嵩高王屋

上清經亦備有也

太上玉經隱注曰緣那羅衛之國崑崙人鳥
之山元始天王所別治七寶宮室高臺凌天
西王母初學道亦登此山其上三洞經悉具
書虛中作經一字方一文也是山真形圖至
重服佩便得三洞之玄真矣山上百獸皆能

飛行不死何況人手諸奇物並出於此矣其
山衆聖誦經皆大梵天制音不哀不傷不遲

不疾弘雅要妙聞者融然崑崙山上諸仙多
作中夏九天誦誦蕭條速暢清音冷朗聽者

霄絕使人忘情時會衆仙歌詠洞玄合讀齊
唱新聲激響窈窕遐聞揚蕩空洞虛絃鳴彈

而玉清感悅矣故讀經上真之所重也高臺
銘曰子欲乘空凌虛誦我步玄羽書諸仙不
解此語也步玄羽經此之兩書太上玄經亦
不傳中仙矣

太極真人曰步虛經者靈寶齋步玄誦也羽
經洞真之誦也

太上玉經隱注曰居家學道當受五千文月
朔半本命日八節日日夜半時各一遍誦
之耳若兆不能讀者請師為讀之兆當親侍

香火一心聽受經旨志以奉行經上妙事託形太陰之日天帝雲車迎人身神不經太山三官地獄考罰之中也上生天堂天帝之前下生人間侯王之家相好具足靈顏輝燁觀者心悅恒欲見聞亦轉女為男結緣上清仙道自克也此經傳通羣品無大無小隨意所求無有拘礙送死養生罄無不宜也亦能安國寧民制伏邊夷莫不順道者也斯經妙矣弗有尚焉

太上玉經隱注曰學士雖修善行或嬰前世之對疾病災厄頻煩委頓者道士法師當為持齋轉五千文及消魔智慧玉清金真洞經中品威神營衛病人所謂臨困得濟者也救度一切之急莫有及此之法輪矣
太上玉經隱注曰受三洞經當絕人事而行之也總三洞名太上洞一高上之經矣受此語三人則不得昇仙也慎之慎之
太上玉經隱注曰受經皆比字三校誤一字減壽一歲過此計加之增損一字亦奪一歲若妄破經書後生受風刀解形之考受經不

敬師修之亦無福而後生棄疾及六畜之中也天下之惡莫過陰賊若協此行道必見世受考耳聾目盲心鼻煩塞胃津不通身生蟲病死墮地獄經諸苦惱刀山劍樹湯煮吞火孔竅潰爛求死不得竟生猪犬之中方被屠割所謂三惡之者矣

太上玉經隱注曰投中品經以下東向叩齒十二通祝曰

肅肅上真德滅迹停虛開暉景界太素去來無梁津有心則自應不專道則綿展轉以相授將結冥中緣法師及弟子無服而成親奉經行衆善恒如臨深淵外以救災病內以護度身畢拜受經傳仙人本業亦用此呪法
太上玉經隱注大洞真經或曰太真道經或曰太清上道觀天內經上品凡有十卷上清金丹之經七卷其高上大妙大丹消魔智慧大洞真經三十九章
太上玉經隱注曰上清之高旨極真之微辭飛仙之妙經也靈寶經或曰洞玄或云太上昇玄經皆高仙之上品虛無之至真大道之

幽寶也三皇天文或云洞神或云洞仙或云太上玉策此三洞經符道之綱紀太虛之玄宗上真之首經矣豈中仙之所聞哉
太上玉經隱注曰寶訣衆經之祖也太上命傳太極諸仙公仙王仙伯仙卿未得此任不

傳之矣道士有見斯書皆應為仙公之人也玄錄宿名將定焉傳之法信以金五兩白縉九十尺長度經紙三百幅呈道師君然後知求道精誠之丹蓋乃可告此寶訣也師與弟子先對清齋九日或七日五日三日齋竟日中時受經也當傳經時師北向於靜室內左手請經執此經弟子右手擊受道誓信約不妄泄流俗列墨辭以七祖為證將奉行仁孝大慈之心惟願飛仙昇虛七祖離苦毒俱生天中師讀辭竟口祝於弟子曰大朴本無質聖聖謂之玄二儀由始終萬物之至淵道化彌億劫運周若圓環曠理歸無忘冥想應宿緣大覺無上慧莫尚此法輪志道效法信誠盡師當宣世無賢達士封之於名山順以苟合授抱石濟九泉兆為太極公上尊令我傳

三界以奏啓玄都一時聞畢六拜受取之取此法物師當營經法齋戒施散世間窮厄之一等之心不得偏意也是經常有玉女玉童各三十人侍之并寮道士之德行關奏於太上矣可不慎之可不慎之度經之時心存三元君在泥九宮也師叩齒三十六下乃祝之耳隱注道經畢矣

太極真人曰諸真人由來多隨所修別受其口訣不領受之也所以仙人各各有得傳此一事矣分傳者法信用金一兩紙一百幅不須素縑也存祝如上法

太極真人曰仙人本業傳謂之道迹經也法皆應師受之當西向用衆經之祝信以丹絳十尺效精誠之至矣上仙道迹經存玉女玉童各十人中仙五人下仙三人常隨侍傳燒香擁護受讀弟子之身衛其家口也恒當忠考尊仰師父行四等心忍辱精進布施容非不爭虛誕其意守志念道常願凌翽大清飛行上玄提攜高仙學道之要津矣若能受太上隱注訣言習行大洞之經便號為太上大

法師夫已受三洞經稱太上玄經大法師法師自得傳諸仙通迹經也夫人不從師受此道迹經玉女不肯護人行道無益於身也有疾苦妖恠時可齋誦道迹經於靜處也百鬼魘魅殃咎皆應聲散滅矣玉女玉童為唱讚

百聞九玄此仙人歡然救度於子也

太極真人曰劫始以來赤松子王喬羨門軒轅尹子並受五千文隱注秘訣勤行大道上為真人之長者寔要注之妙矣逮至漢孝文皇帝好樂道德精誠虛盡太上真人降乎河上以化文帝真人時自誦經帝未弘道義幽

廣之理既心之所渴聞有異人踊躍即親駕稽首禮問動靜諮請道真真人為其章句畧其一隅通其所滯也夫此經之曠難究夫故曰不可思而議也然自足令文帝託刊霄冥保景乘雲散轡飛龍徑登天堂金華宮中及諸天人講誦為事矣亦仙道之次者也樂乎哉文帝行道德之經致是巍巍矣武帝徒勤苦於神仙而性剛亦得預天人之次耳學道柔信為本也夫讀河上真人一章則做太上

玉京諸天仙人又手稱善傳聲三界魔王禮於雲中鄴都執敬稽首於法師矣河上真人則道德經之法師也所以尊其章句為治身秘道不可示俗人俗人常笑此經虛誕謂之不能昇仙度世此各有宿緣帝可強訓也教之不行彼此獲罪故宜深而秘之也

太極真人曰禮此經時心注太上老君三拜次念尹先生河上真人為玄中法師亦復三拜並向經也常三萬六千仙童玉女侍經燒香散花適致衆仙為兆請不死之命求白日昇天之道也

太極真人曰道士當作金丹之時也一晝一夜誦之太一歡悅來臨子之室矣辟鬼試不祥之變也所作則必成焉
太極真人曰夫學道以齋戒為本也誦經必齋校經必齋書經必齋書符必齋合藥必齋作金丹必齋精思必齋詣師請問必齋禮拜必齋受經必齋救疾消災必齋致真人必齋齋者太上所敬重老君所營護諸聖所倚賴齋法甚多在兆所修受也

太極真人曰我昔學道聞此訓於太上真人
奉而行焉今以相傳也子秘而修之密教後
世有宿命之人應上仙者可乎

太極真人曰夫人得生仙聖之門而好道樂
經柔性慈心者皆宿緣願會於今日矣將去

仙近也宜當勤於法事必上仙者乎

太極真人曰夫人有仙真相好其要在慈心
觸物以輔相好然後得仙矣不能忍性容非
仙相敗也斯語信焉子其慎哉子其思之子
其奉之言之至矣

太極真人曰予有九天黃素隱訣傳諸人也

或曰洞真威儀或曰法輪元綱經太上隱訣

或曰太上玉清內教或曰太上三洞威儀經

或曰太上玉經太極隱注訣傳諸宿命應為

太上玉京玄都太無太極仙公仙王仙伯仙

卿之人矣不告始學之道士也若世有遇此

經師者皆玄都已有金名之簡焉

太極真人曰夫奉上經道士使心口相應視

人如已敬師如父思經如渴念濟厄因諫諍

勸善和柔容非愛於有道遠好山水常行慈

心仁愛經營道士居貴不驕處疾苦之軼軻
而執志不移此可與言於道者也宜告之以
隱注若雅飾相傾心口各用當秘於寶訣永
幽之矣受經後三年其行亦可觀斷可知也
是故此經上仙可秘中仙希有見者學道前

世功不足弘大法太上玄都玉京無具名也
亦終不與此經師相值矣受訣妄示一人則

不得昇仙死為下鬼苦毒於三官地獄後生
六疾之中輪轉受對其罪至重是以秘之故

曰隱注焉

太極真人曰夫人清齋久靜精思耽玄誦經

悔罪燒香禮拜將見飛天人矣仙童玉女降

於子室矣或聞室中為稱善或光景照身或

聞金玉之響八音之聲皆子道欲成也勤之

勤之太上不負子矣所以患子不固不盡至

經是以仙道之難耳常念此語矣

太極真人曰吾昔始得仙時受太上大道君

大智慧經偈七遍叩齒三下咽液三過存三

素元君在金華宮如嬰兒之狀而誅此文也
智慧本經有三萬一千言上聖抄宣是章應

為太上玉京太極仙公道士矣今當相告子
豈不願聞之手

太上智慧經讚

太上玄虛宗 弘道尊其經 俯仰已得仙

歷劫無數齡 巍巍太真德 寂寂因無生

霄景結空構 乘虛自然征 日月為炳灼

安和樂未央

學仙絕華念 念念相因積 去來亂我神

神踪靡不歷 滅念停虛閑 蕭蕭入空寂

請經若饑渴 持志猶金石 保子飛玄路

五靈度符籍

濟我六度行 故能解三羅 清齋禮太素

吐納養雲牙 逍遙金闕內 玉京為余家

自然生七寶 人人坐蓮花 仰瞻玄都奈

俯舍空洞瓜 容顏曜十日 莫計年劫多

法鼓會天仙 鳴鐘徹大魔

靈風扇香華 瓊闌開紫粉 太真撫雲璈

衆仙彈靈琴 雅歌三天上 散慈玉華林

七祖昇福堂 由此步玄音 前世德未足

斯經邀難尋 倍道情不盡 圖飛乃反沈

太上無為道 弘之在兆心
學道由丹信 奉師如至親
牧牧隨日新 衆人未得度
大願有重報 玄德必信然
對來若轉輪 陰惡罪至深

學道甚亦苦 晨夕建福田
根深果亦繁 子能耽玄尚
修是無為道 當與善結緣
書名智慧篇 拔苦由大才
靈姿世所奇 燁若淵中蓮

人行各有本 皆由宿世功
發願莫不從 善惡俱待對
賢士奉法言 道德在兼忘
上為太極公 寶蓋連玉輿
金華擎洞經 捧香悉仙童
鳴玉叩瓊鐘 捧香悉仙童

珠身凌太清 超景逸紫霄
遊玄極道邊 萬劫猶昨夜
魏義陰雲華 手營寶林條
玄階與扶掖 靈樞順風散
保無持法網 千春如展朝
香煙自然生 繁想應時消

滅智弘大混 無為為清誰

上清太極隱注玉經寶訣



上清太上八素真經 卷八

太上隱書

八素真經者乃玄清玉皇之道也上皇天帝以此書授太微天帝君三元紫精道君具陽元老君此君受書施行道成後以付太上道君太上道君以傳金闕後聖李君李君以付太虛真人南嶽赤君使下授學道宿有金名玉字高閣刻名當為真人者太上之隱文不傳於地地仙亦自不得獲之矣

太上曰夫五星者是日月之靈根天胎之五藏也是以天精結纏以成五星天地賴以綜氣日月繫之而明若夫天氣不育則三合虧盈地氣不育則萬物枯滯虧盈則天震地動若夫列宿不守則日月薄蝕五星亂度則二象失光天地泰則五星映清天精合則五星光明星之靈道太山上應德神玉清上照太虛下朗萬兆兆有得失則五度錯逆兆有和吉則流行順道映洞禍福毫縷畢彰玄照纖末幽存功過者也五帝上言於星中真皇真皇上奏於太上玉君是以辰光轉燭以示萬